

Na osnovu člana 26. stav (1) Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 26/04, 37/04, 48/05, 2/06, 32/07, 43/09, 8/10 i 40/12), člana 99. st. (1) i (2) Zakona o upravi ("Službeni glasnik BiH", br. 32/02 i 102/09), člana 26. stav (1) Odluke o načinu polaganja javnog i stručnog ispita ("Službeni glasnik BiH", br. 96/07, 43/10 i 103/12), člana 18. stav (1) Pravilnika o postupcima oglašavanja, izbora kandidata, premještanja i postavljenja državnih službenika u slučaju prijenosa ili preuzimanja nadležnosti od institucija Bosne i Hercegovine ("Službeni glasnik BiH", br. 27/08, 56/09, 54/10 i 70/12), i člana 11. stav (6) Pravilnika o uvjetima i načinu obavljanja internih konkursa, internih i eksternih premještanja državnih službenika u institucijama Bosne i Hercegovine ("Službeni glasnik BiH", br. 62/10 i 30/14), Agencija za državnu službu Bosne i Hercegovine donosi

**PRAVILNIK
O IZMJENAMA I DOPUNAMA PRAVILNIKA O
KARAKTERU I SADRŽAJU JAVNOG KONKURSA,
NAČINU PROVOĐENJA INTERVJUA I OBRASCIMA ZA
PROVOĐENJE INTERVJUA**

Član 1.

U Pravilniku o karakteru i sadržaju javnog konkursa, načinu provođenja intervjua i obrascima za provođenje intervjua ("Službeni glasnik BiH", broj 63/16), u članu 13. iza stava (1) dodaje se novi stav (2) koji glasi:

"(2) Prijavni obrazac sadrži: jedinstveni matični broj, kontakt informacije kandidata (telefon, mobitel, faks, e-mail, adresu), naziv konkursa, naziv radnog mjesta iz teksta oglasa, ime, ime roditelja i prezime, djevojačko prezime, pol, obrazovanje kandidata (početak i završetak, zvanje i naziv visokoškolske ustanove, grad i država), ispit profesionalne nadogradnje (postojanje i vrsta ispita), nacionalnost (opciono – dobrovoljno), radno iskustvo (početak i završetak, naziv i adresa poslodavca, naziv radnog mjesta, opis radnih zadataka, ukupan period radnog angažmana, broj podređenih, razlozi napuštanja posla), ukupno radno iskustvo nakon sticanja VSS, odnosno visokog obrazovanja, strani jezici (naziv jezika, govor, čitanje i pisanje), služenje računarom, napomenu za kandidate, izjave (kojim kandidat potvrđuje ispunjavanje zakonskih uslova, uslova oglasa, saglasnost za obradu svih navedenih ličnih podataka, saglasnost o načinu obavještanja, te izjavu da podaci u obrascu sami za sebe ne predstavljaju dokaz), datum prijave i potpis kandidata."

Dosadašnji st. (2), (3), (4), (5) i (6) postaju novi st. (3), (4), (5), (6) i (7).

Član 2.

U članu 14. stav (2) se mijenja i glasi:

"(2) Univerzitetskom diplomom, odnosno ovjerenom kopijom univerzitetske diplome dokazuje se i ispunjavanje posebnih uvjeta u pogledu stručne spreme."

U stavu (3) riječi: "prethodnog stava" zamjenjuju se riječima: "st. (1) i (2)".

Član 3.

U članu 25. iza stava (2) dodaju se novi st. (3), (4) i (5) koji glase:

"(3) Način rada i odlučivanja, uključujući i održavanje sjednica komisije za izbor detaljno se regulišu poslovnikom o radu koji komisija za izbor usvaja na osnovu ovlaštenja iz člana 24. stav (3) Zakona.

(4) Pismeni dio stručnog ispita ne predstavlja sjednicu komisije za izbor te istom po pravilu ne prisustvuju članovi komisije. Komisija za izbor može odlučiti da jedan ili više članova komisije prisustvuju polaganju pismenog dijela stručnog ispita, ili njegovom određenom dijelu.

(5) Pismenom dijelu stručnog ispita obavezno prisustvuje sekretar komisije, odnosno druga ovlaštena osoba, koja ga zamjenjuje."

Član 4.

U članu 38. iza stava (3) dodaju se novi st. (4) i (5) koji glase:

"(4) Ukoliko komisija za izbor na intervjuu provjerava znanje više od pet kandidata za radno mjesto nerukovodećeg državnog službenika, umjesto Obrasca 1 za svakog kandidata, može koristiti Zbirni obrazac 3 (prilog 4 ovog pravilnika).

(5) Prilozi 1, 2, 3 i 4 ovog pravilnika predstavljaju anekse pravilnika i čine njegov integralni dio."

Član 5.

U članu 39. stav (5) se mijenja i glasi:

"(5) Odredbe ovog pravilnika primjenjivat će se u cijelosti na sve konkursne procedure započete nakon 1.10.2017. godine, osim ako Agencija na obrazloženi prijedlog komisije za izbor, iz opravdanih razloga, ne odluči da se konkurs provede u skladu sa stavom (4) ovog člana.

Iza stava (5) dodaje se novi stav (6) koji glasi:

"(6) Odredbe ovog pravilnika, bez izuzetka, primjenjivat će se u cijelosti na sve konkursne procedure započete nakon 1.1.2018. godine."

Član 6.

Ovaj pravilnik stupa na snagu osmog dana od dana objavljivanja u "Službenom glasniku BiH".

Broj 01-02-698-10/17

13. marta 2017. godine

Sarajevo

Direktor

Neven Akšamija, s. r.

PRILOG 4
ZBIRNI OBRAZAC 3

Образац за ocjeњивање кандидата за radna mjesta nerukovodeћih државних службеника за усмени dio струћног ispita – intervju

Ime i prezime члана komisije: _____

Institucija: _____

Radno mjesto: _____

Datum: ____ / ____ / ____ Naziv prioritetne kompetencije: _____

rb	Ime i prezime kandidata:	I		II (1+2)		(I + II)	Komentari fakultativni: Ključne prednosti kandidata/ Primijećeni nedostaci:
		Ocjena znanja (0-10):	1. Komunikacija (0-10)	2. Prioritetna kompetencija (0-10)	Ukupna ocjena za kompetencije (0-20)		
			Ukupna ocjena za kompetencije (0-20)				
1							
2							
3							
4							
5							
6							

Potpis члана komisije _____

Образац proširitи po potrebi u editoru teksta.